



Inuit Ataqatigiit Inatsisartuni

Ulloq: 26. maj 2008

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

- 1. Knud Rasmussenip Højskolea højskolertitsilluni qangatuut ammereriaaseq ilinniartitsissutigalugu aaqquissappat, imaluuniit kalallisuuliorneq ilinniartitsissutigalugu, soorlu nui-laqqusiornermut, qulissanik mersornermut, avittarnermut, kamitsanut alersiliornermut il.il., taava Namminersornerullutik Oqartussat konto suna atorlugu taakkununga tapiisinnappat?**
- 2. Pilattarfeqarniarpa, innerisinnaaneq ilaasava, amminik assigiingitsunik suleriaaseq ilaatinneqassava?**
- 3. Eqqumiitsuliornermik Ilinniarfiup allilernissaanut pilersaarutit qanoq siuarsimatigippat?**
- 4. Eqqumiitsuliornermik Ilinniarfik siunissami isumalluutaalerniarpat, Knud Rasmussenip Højskoleani pikkorissaasarnerit unitsinneqassappat?**
- 5. Qaqugu Eqqumiitsuliornermut Ilinniarfik allisaq kalaallisuuliornermik ilinniartussanik tiguisinnaalissava?**
(Inatsisartunut ilaasorta Agathe Fontain, Inuit Ataqatigiit)

Tunngavilersuutit:

Arnat Højskolissaat pillugu siunnersuut Inatsisartuni eqqartorneqarmat Naalakkersuisut akissuteqaatinimmi oqaatigaat Knud Rasmussenip Højskoleata suliaq aallartereersimmamagu itigartinneqartoq. Taamaattumik paaserusuppara periarfissat suut, pingaartumik kalaallisuuliorneq assigisaanillu ilinniartitsinerit allallu periarfissaqartinneqarnersut.

Pineqartup oqaluuserinerani ilanngullugu oqaatigineqarpoq Eqqumiitsuliornermik Ilinniarfiup allilernissaa isumalluutaasoq. Tassani ilinniartitsinerimi ilusilersuineq kalaallisuuliornerlu aamma ilaatinneqarsinnaalersinnissaat anguniarneqartoq oqaatigineqarluni.